



SARAJEVO OPEN CENTRE

STRATEŠKI PLAN za period 2014-2017.

Dodatak 1: Interspolnost kao prioritet, feminizam kao vrijednosna osnova

mart 2016.

Pripremio tim Sarajevskog otvorenog centra, usvojio Upravni odbor.

Sarajevski otvoreni centar // Čekaluša 16 // 71000 Sarajevo // Bosna i Hercegovina
office@soc.ba // www.soc.ba // 00387 33 551-000

Šta se mijenja?

Radeći na provedbi Strateškog plana za period 2014-2017. pokazala se potreba za njegovom dopunom. Tokom 2014. i 2015. godine, uz profesionalizaciju, sazrijevanje i razvoj organizacije, programa i tima, realizovali_e smo potrebu za dopunom ovog ključnog organizacijskog dokumenta. Iako smo se u svome radu intenzivno pozivali_e na feminističke principe djelovanja, realizovali_e feminističke programe i aktivnosti, riječ feminizam do sada nije bila artikulirana kao jasno političko djelovanje u našem organizacijskom profilu. Takođe, naša organizacija nije bila dovoljno programski usmjerana na pitanja interspolnosti, iako već godinama realizujemo mjere i aktivnosti vezane za prava interspolnih osoba. Kako bi se istakle i precizirale naše nove realnosti, odlučili_e smo da proširimo ključne elemente našeg organizacijskog i programskog profila.

Naša dopunjena vizija i misija od 2016. glase:

Vizija

Bosna i Hercegovina je društvo zasnovano na jednakim pravima i mogućnostima za sve. Bosna i Hercegovina je država koju su izgradili_e aktivni_e i angažirani_e građani_ke i odgovorna vlast.

Misija

Sarajevski otvoreni centar (SOC) zagovara potpuno poštivanje ljudskih prava i društvenu inkluziju lezbejki, gejeva, biseksualnih, trans i interspolnih (LGBTI) osoba i žena.*

Sarajevski otvoreni centar je nezavisna, feministička organizacija civilnog društva koja teži osnažiti lezbejke, gejeve, biseksualne, trans i interspolne (LGBTI) osobe i žene kroz jačanje zajednice i građenje aktivističkog pokreta. SOC takođe javno promovise ljudska prava LGBTI osoba i žena, te na državnom, evropskom i međunarodnom nivou zagovara unapređivanje zakonodavstva i javnih politika u Bosni i Hercegovini. Kroz rad na pitanjima evropskih integracija, SOC unapređuje ostvarivanje ljudskih prava i podstiče daljnji razvoj civilnog društva.*

U svoj zagovarački i institucionalni rad, pored pitanja spola, roda, seksualne orijentacije i rodnog identiteta, od sada uključujemo i pravna, socijalna i medicinska pitanja interspolnosti i spolnih karakteristika. Ovo pitanje je od sada programski prepoznato i u našim organizacijskim vrijednostima:

Vrijednosti

Različitost: poštujemo i uzimamo u obzir intersekcionalnost, borbu protiv višestruke diskriminacije, a naročito diskriminaciju na osnovu spola, spolnih karakteristika, roda, seksualne orijentacije i rodnog identiteta;

Integritet: transparentni smo i preuzimamo odgovornost u našim procedurama i radu, vodimo se profesionalnim standardima, rezultatima koje želimo postići i željom da u našem radu sudjeluje veliki broj različitih zainteresovanih strana;

Proaktivnost: prepoznajemo izazove i nalazimo rješenja prije nego što se pojave problemi;

Inovativnost i kreativnost: uvodimo nove metode, pristupe i područja djelovanja, i spremni smo stalno učiti kako bismo mogli odgovoriti novim izazovima;

Saradnja i solidarnost: ulažemo u stvaranje dugoročnih partnerstava i mreža na državnom i međunarodnom nivou, koristeći ove sinergije kako bismo unaprijedili naše ciljeve i ojačali našu poziciju u civilnom društvu;

Komunikativnost: uspostavili smo uspješne kanale komunikacije sa zainteresovanim stranama i ciljnim grupama.

Ubuduće, interspolne osobe su dio naših ciljnih grupa i korisnika_ca:

Ciljne grupe

LGBTI osobe kojima je potrebno jedinstveno psiho-socijalno i pravno osnaživanje kako bi ostvarile svoja prava i/ili same postale aktivisti_kinje u borbi za ljudska prava. Državni službenici_e na svim nivoima vlasti odgovorni_e za ljudska prava, naročito oni_e koji rade u bezbjednosti, pravosuđu, zdravstvu i obrazovanju, a čije je znanje o kršenjima ljudskih prava LGBTI osoba nedovoljno.

Organizacije civilnog društva aktivne u polju vladavine prava i zaštite ljudskih prava.

Predstavnic_i_e medija, novinari_ke i urednici_ce elektronskih, printanih medija i online medija, koji_e prenose informacije građanima_kama i utječu na javno mnijenje.

Međunarodni partneri_ce (vladini i nevladini) koji_e aktivno podržavaju naš rad na zagovaranju i lobiranju.

Korisnici_e

Lezbejke, gejevi, biseksualne, trans i interspolne osobe i LGBTI aktivisti_kinje koji_e proaktivno učestvuju u našim aktivnostima, ali i imaju koristi od naših usluga, akcija podizanja svijesti, zagovaranja, te rada sa institucijama u svrhu jačanja kapaciteta.*

Žene aktivne u političkom, društvenom i kulturnom životu, zainteresovane za učešće u društvenim promjenama.

Prava interpolnih osoba od sada su dio i naših strateških ciljeva:

OPŠTI CILJ

Naš opšti cilj je poboljšati stanje ljudskih prava LGBTI osoba i žena u Bosni i Hercegovini.

Da bismo ovo ostvarili_e, radićemo na ostvarenju sljedećih rezultata:

Rezultat 1: LGBTI osobe su (psihološko-)socijalno i pravno osnažene

Prepoznavši lične potrebe LGBTI osoba kao i činjenicu da im institucije vlasti ne pružaju potrebnu podršku, posebnu pažnju posvetićemo (psihološko-)socijalnom i pravnom osnaživanju. Bez osnažene LGBTI zajednice, nijedna LGBTI osoba neće moći ostvariti svoja prava niti postati zagovornik_ca ljudskih prava. Aktivnosti u zajednici, psihološko savjetovanje, stvaranje medijskih sadržaja usmjerenih na zajednicu, grupe (samo)podrške te pravno savjetovanje temelji su osnaživanja pojedinaca_ki. Rezultat ovih aktivnosti biće osnažene LGBTI osobe, među njima i pojedinci_ke spremni_e ostvariti svoja prava pred sudskim i parasudskim vlastima, na taj način postajući pioniri_ke u borbi za ljudska prava LGBTI osoba u Bosni i Hercegovini.

Rezultat 2: Vlasti u BiH preuzele su veću odgovornost za zaštitu ljudskih prava LGBTI osoba i žena

LGBTI osobe su društvena grupa u Bosni i Hercegovini čiji problemi i potrebe nisu prepoznati u javnim politikama. Zbog toga su nam potrebne politike, zakonodavne promjene i inovacije. SOC će (zajedno sa svojim partnerima) razviti i zagovarati nove prijedloge, zasnovane na konkretnim potrebama i činjenicama, povećavajući svoj utjecaj na one koji donose odluke. Znajući da zakonodavstvo i politike nisu dovoljni, radićemo i sa državnim službenicima_cama (i.a. policajcima_kama, sudijama_tkinjama, tužiteljima_kama) tako što ćemo povećati njihovu svijest i znanje o kršenju ljudskih prava LGBTI osoba. Budući profesionalci_ke mogu doprinijeti ovim promjenama, te će i oni_e biti važna ciljna grupa u našem radu. Unaprijediće se njihove vještine, što će rezultirati konkretnim prijedlozima politika ili zakona vezanih za prava LGBTI osoba i žena. Zajedno sa našim partnerima_kama iz ženskog pokreta razvićemo i zagovarati politike i pravna rješenja.

Rezultat 3: Prava LGBTI osoba i žena uključena su u glavne društvene tokove

LGBTI osobe još uvijek predstavljaju tabu u bosanskohercegovačkom društvu, dok su žene, iako većina, isključene iz društvenog i političkog života. Ciljanim akcijama u vodećim medijima, vjerujemo da možemo doprinijeti pružanju vjerodostojnih informacija široj javnosti o stanju ljudskih prava LGBTI osoba i žena. Koristićemo i umjetničke i kulturne platforme kako bismo približili_e javnosti potrebe i prava LGBTI osoba i žena.

U skladu sa ovim promjenama, naš cjelokupni rad na pravima LGBT osoba uključivaće ubuduće pitanja interpolnosti i spolnih karakteristika, postajući tako **program za prava LGBTI osoba**. Suzbijanje diskriminacije na osnovu spolnih karakteristika i ravnopravnost interpolnih osoba postaće podjednako prioritetni kao i rad na pravima lezbejki, gejeva, biseksualnih i trans* osoba.